



**ՀԱՅԱՍՏԱՆԻ ՔՀԿ-ՆԵՐԻ ՀԱԿԱԿՈՌՈՒՊՑԻՈՆ ԿՈԱԼԻՑԻԱ
«ԻՐԱՎԱԲԱՆՆԵՐԻ ՀԱՅԿԱԿԱՆ ԱՍՈՑԻԱՑԻԱ» ՀԿ**

ՊԱՇՏՈՆԱԿԱՆ ԿԱՆՈՆՆԵՐ

«Կոռուպցիայի դեմ պայքարի հայաստանյան համատեքստը. հիմնական առաջնահերթությունները և մարտահրավերները» թեմայով հանրապետական 4-րդ հանրապետական գիտաժողովի

Երևան 2020թ.

Ուշտոնական կանոն 0.0 Սահմանումներ

Սույն կանոններում օգտագործվող հասկացությունները օգտագործվում են հետևյալ իմաստով.

"Կազմակերպիչ" սույն կանոնների իմաստով նշանակում է գիտաժողովի ցանկացած փուլի կազմակերպիչ:

"Գիտաժողովի փուլ" գրավոր և բանավոր փուլերի դեպքում օգտագործվում է համապատասխան փուլ իմաստով:

"Գիտաժողով" օգտագործվում է 2020թ. հունվար-փետրվար ամիսներին կազմակերպվելիք *«Կոռուպցիայի դեմ պայքարի հայաստանյան համատեքստը. հիմնական առաջնահերթությունները և մարտահրավերները» թեմայով 4-րդ հանրապետական գիտաժողովի իմաստով:*

"Զեկույց" օգտագործվում է յուրաքանչյուր մասնակցի կողմից սույն կանոնների դրույթների համաձայն գրված և գիտաժողովի կազմակերպչին ներկայացրած գրավոր զեկույց իմաստով:

"Բանավոր փուլ" նշանակում է մասնակցի զեկույցի բանավոր ներկայացման փուլ:

"Տույժեր" կիրառվում է որևէ կանոնի խախտման համար նախնական միավորի իջեցմամբ:

"Կանոններ" օգտագործվում է զեկույցի սույն պաշտոնական կանոններ, ինչպես նաև ցանկացած այլ կանոնների հավելված իմաստով:

"Մասնակից" օգտագործվում է կազմակերպչին սահմանված ժամկետում գիտաժողովին մասնակցելու հայտ ներկայացրած ուսանող իմաստով:

"Զեկույցի թիվ (համար)" օգտագործվում է գիտաժողովի ժամանակ յուրաքանչյուր զեկույցի համար հատուկ թվային տարբերակում իմաստով:

"Փուլ" օգտագործվում է գիտաժողովի տարբեր մակարդակներ իմաստով:

ՊԱՇՏՈՆԱԿԱՆ ԿԱՆՈՆ 1.0 Գիտաժողովի կազմակերպումը

1.1 Կազմակերպիչ

Հայաստանի ՔՀԿ-ների հակակոռուպցիոն կոալիցիա,
«Իրավաբանների հայկական ասոցիացիա» ՀԿ, ք. Երևան 0010, Նալբանդյան 7, գրասենյակ 2,
հեռ.՝ 010 54 01 99, էլ.փոստ՝ info@armla.am:

1.2 Գիտաժողովի ընթացակարգը

Գիտաժողովը բաղկացած է երկու փուլերից.

- 1) գրավոր փուլ,
- 2) բանավոր փուլ:

1.3 Գիտաժողովի անցկացումը

Յուրաքանչյուր փուլ անցկացվում է կազմակերպչի կողմից սահմանված վայրում և պետք է իրականացվի սույն կանոնների համաձայն:

ՊԱՇՏՈՆԱԿԱՆ ԿԱՆՈՆ 2.0 Գիտաժողովի մասնակցության իրավունքը և կարգը

2.1 Գիտաժողովին մասնակցելու իրավունք ունեցող անձինք

Հայաստանի Հանրապետության ԲՈԻՀ-երի բակալավրիատի տարբեր ֆակուլտետների 3-րդ և բարձր կուրսերի, մագիստրատուրայի ուսանողները, ինչպես նաև ԲՈԻՀ-երի՝ մինչև 30 տարեկան շրջանավարտները:

ՊԱՇՏՈՆԱԿԱՆ ԿԱՆՈՆ 3.0 Մասնակիցների գրանցումը և մասնակիցների զեկույցները

3.1 Մասնակիցների գրանցման ձևը և գրանցումը

Գիտաժողովին մասնակցել ցանկացողները մինչև **2020թ.-ի հունվարի 27-ը ներառյալ** պետք է էլեկտրոնային եղանակով գրանցվեն [այստեղ](http://bit.ly/2TneTQu) <http://bit.ly/2TneTQu>:

3.2 Ձեկույցների ընդունման կարգը և ժամկետները

- 1) Գիտաժողովին մասնակցելու համար գրանցված յուրաքանչյուր անձ պետք է մինչև մինչև **2020թ. փետրվարի 10-ը** ներառյալ info@armla.am էլ.հասցեին ուղարկի հայտարարության մեջ նշված ուղղություններից որևէ մեկով պահանջվող զեկույցը:
- 2) Ձեկույցի փաթեթը ընդունվում է կազմակերպչի կողմից և յուրաքանչյուր զեկույց ստանում է անհատական համար:
- 3) Ձեկույցի անհատական համարը տրվում է զեկույցը կազմակերպչին հանձնելու համար սահմանված ժամկետը լրանալու հաջորդ օրը: Ձեկույցները ստուգող խմբի և տեխնիկական ստուգում իրականացնող անձնակազմի կողմից ստուգվում և գնահատվում են մինչև **2020թ. փետրվարի 17-ը ներառյալ**:

3.3 Ձեկույցի ինքնությունը հաստատող համարը

Գիտաժողովի յուրաքանչյուր մասնակցի զեկույց կունենա կոորդինատորի կողմից տրված համար (թիվ): Մասնակիցները պետք է այդ համարները օգտագործեն միայն ինքնության

հաստատման նպատակով: Համարի գաղտնիության ապահովման պարտականությունը դրվում է կազմակերպչի վրա:

3.4 Ձեկույցների ֆորմատը.

Բոլոր զեկույցները պետք է համապատասխանեն հետևյալ ֆորմատին.

- 1) 10-15 համակարգչային էջ,
- 2) A4 ֆորմատի (21x29,7 սմ) թղթի վրա,
- 3) տեքստի տառատեսակը և չափսը՝ Sylfaen 12,
- 4) զեկույցի տեքստի բոլոր մասերը, ինչպես նաև տողատակի ծանոթագրություններն ու խորագրերը, պետք է լինեն միաբացվածք (single-spaced),
- 5) լուսանցքների պահպանումը բոլոր կողմերից պետք է ունենա 2.5 սմ՝ չհաշված էջահամարները:

3.5 Ձեկույցի նկարագիրը.

Ձեկույցը պետք է բաղկացած լինի հետևյալ մասերից.

- 1) Բովանդակություն,
- 2) Ներածություն,
- 3) Նկարագրական մաս,
- 4) Եզրափակիչ մաս,
- 5) Օգտագործված գրականության ցանկ:

ՊԱՇՏՈՆԱԿԱՆ ԿԱՆՈՆ 4.0 Դատավորները

4.1 Գիտաժողովի գրավոր և բանավոր փուլերի դատավորները և նրանց ընտրման կարգը.

Գիտաժողովի գրավոր փուլը գնահատում է համապատասխան մասնագետներից կազմված ստուգող խումբը, որի անհատական կազմը և թվաքանակը որոշվում է կազմակերպչի կողմից:

4.2 Կազմակերպչի տեղեկացումը մասնակիցների և դատավորների անհամապատասխանության վերաբերյալ.

Գիտաժողովի բանավոր փուլի ընթացքում մասնակիցները կազմակերպչին անհրաժեշտության դեպքում տեղեկացնեն այն դատավորների կամ հավանական դատավորների անունները, որոնց հարաբերությունները մասնակցի կամ տվյալ ԲՈՒՀ-ի հետ այնպիսին է, որ կասկած է առաջացնում այդ դատավորի անկողմնակալության վերաբերյալ՝ տվյալ մասնակցի բանավոր զեկույցը գնահատելիս: Նման դեպքերում կազմակերպիչը պետք է քննարկի դատավոր(ներ)ին վերաբերող հարցը և այդ հարցի կապակցությամբ կայացնի վերջնական որոշում:

ՊԱՇՏՈՆԱԿԱՆ ԿԱՆՈՆ 5.0 Գիտաժողովի փուլերը

5.1 Գրավոր փուլ

Գիտաժողովի գրավոր փուլում առավելագույն միավորներ հավաքած մինչև 5 լավագույն մասնակիցները կանցնեն գիտաժողովի հաջորդ՝ բանավոր փուլ: Գրավոր փուլում դատավորների կողմից մասնակիցներին նշանակած միավորները կազմակերպչի կողմից կարող են նվազեցվել՝ ըստ սահմանված տույժերի: Գիտաժողովի գրավոր փուլի ստուգումը և գրավոր

փուլի արդյունքների ամփոփումը կատարվում է **2020թ. փետրվարի 11-ից մինչև փետրվարի 17-ը** ընկած ժամանակահատվածում:

5.2 Բանավոր փուլ

Գիտաժողովի բանավոր փուլում յուրաքանչյուր մասնակցի զեկույցի ընդհանուր միավորները որոշվում են՝ զեկույցները գնահատող դատավորների ժուրիի յուրաքանչյուր անդամի կողմից նշանակած միավորների ընդհանուր գումարով: Գիտաժողովի բանավոր փուլն անցկացվելու է **2020թ. փետրվարի 25-ին**: Վայրի մասին տեղեկությունները կտրամադրվեն լրացուցիչ:

Գիտաժողովի մրցանակաբաշխությունը տեղի կունենա գիտաժողովի բանավոր փուլի ավարտից անմիջապես հետո:

Գիտաժողովի գրավոր և բանավոր փուլի բոլոր մասնակիցները կպարգևատրվեն համապատասխան հավաստագրերով, իսկ առաջինից երրորդ հորիզոնականներ զբաղեցրած երեք մասնակիցները կխրախուսվեն նվերներով և հնարավորություն կունենան եռամսյա փորձաշրջան անցնելու «Իրավաբանների հայկական ասոցիացիա» ՀԿ-ում: Գիտաժողովի ընթացքում նախատեսված են նաև այլ մրցանակային տեղեր և խրախուսական մրցանակներ:

ՊԱՇՏՈՆԱԿԱՆ ԿԱՆՈՆ 6.0 Տույժեր

6.1 Զեկույցներին առնչվող տույժեր

Սույն աղյուսակի համաձայն զեկույցներին առնչվող կանոնների խախտումների համար կիրառվում են տույժեր.

<u>Կանոնի համարը</u>	<u>նկարագիրը</u>	<u>Կիրառվող տույժը</u>
6.1.1	Զեկույցում ինքնության կամ ԲՈՒՀ-ի անվան վերաբերյալ որևէ նշում	7 միավոր (մեկ անգամ)
6.1.2	Միայն տառատեսակի կամ տառերի սխալ չափսի օգտագործում, տվյալ տառատեսակի սխալ չափսի օգտագործում, տողերի միջև սխալ տարածություն կամ մեջբերումների սխալ ձև	1 միավոր յուրաքանչյուր խախտման համար, ընդհանուրը՝ մինչև 5 միավոր
6.1.3.	Էջերի սահմանափակում	15 էջը գերազանցող յուրաքանչյուր էջի համար 1 միավոր, ատվելագույնը 4 միավոր
6.1.4.	Անհամապատասխան լուսանցքներ	յուրաքանչյուր էջի համար 0,5 միավոր, առավելագույնը 2 միավոր